



YVYPÓRA DERECHOREGUA KUAUAKAPYPAVĒ

REIKUAA HA REDEFENDE
NDE DERECHO...PÉVA
NDE DERECHO YVYPÓRA
HÁICHA



AKYTĀ 1

Opaite yvypóra heñói guive hekosāso ha peteīchante tekokatu avei iderechokuéra ñemomba'épe ha, upéicha tekokuua ha tekoandu reheve, oikova'erā jokupytypé hapichakuéra ndive.

AKYTĀ 2

Opaite yvypóra derécho ha tekosāso oñemboguapy ko Kuaaukapypavẽme, peteīchante opavave taha'e ha'éva hekopy, ipiresa'y, imeña, iñe'ē, ijeroviapy, hemimo'ā *política* reheguára ambue mba'e reheguáva, taha'e ha'éva, avei hetā térra hekoaty ypykue, ivirureko, tenda heñoihague térra ambueve mba'e. Upéichante avei, noñemboykemo'āi mavavépe, taha'e ha'éva hetā rekoguata, *política*, tekome'ē térra tetāita rekoguata, avei mba'e tetāguápa tapicha, jepémo tetā isásóva, térra umi tetā ndaipokatúiva ijehegui ha oíva ambue poguýpe.

AKYTĀ 3

Opaite yvypóra iderécho oikove, isāso ha oñeñangarekóvo hekove rehe.

AKYTĀ 4

Avavépe ndojehekopyiva'erā térra ndojeguerekova'erā tembiuguáiramo, yvypóra rekove jejopy ha hete rehe jehepyme'ē mba'evéicharõ ndojejapoiva'erā.

AKYTĀ 5

Mavave rehe noñeñembosarái térra ndojejaheireiriva'erā yvyporaháicha.

AKYTĀ 6

Opaite yvypóra iderécho, taha'e ha'ehápe, ojehechakuaávo ichupe yvyporaháicha.



AKYTĀ 7

Opaite yvypóra peteīchante léi rovake, oñemboyke'ý rehe mavavépe, léi omo'á ha ohupytypaite peteīchante opavavépe. Opaite yvypóra iderécho oñeñangarekóvo hese oñemboyke'ý rehe ko Kuaaukapypavé he'iháicha ha upéichante avei opamba'e ombohapétava iñemboyke.

AKYTĀ 8

Opaite yvypóra iderécho ojeykekóvo chupe hekoitépe umi *tribunal* hetäyguá rovake, oipytyvõva'erã chupe iderechokuéra léi ha léi guasupegua oñemoañetepotávo.

AKYTĀ 9

Mavave ndaikatúi mbaretépe ojejoko, ojegueraharei ka'irāime térra oñemosẽ hetägui.

AKYTĀ 10

Opaite yvypóra peteñchapaite iderécho, oñehendúvo chupe opavave renondépe ha tekojojápe peteñ *tribunal* ipokatu tee ha hembiapo añetéva rupive, ojehechakuaa hañua iderécho ha hembiaporäite térra ojehecháta jave tembiapovaikue oñembojáva hese.

AKYTĀ II

01. Opaite yvypóra oñembojáva hese hembiapovaiha iderécho oñeimo'ävo ndaupeichaiha, ndojehechaukái aja hembiapovaikue, léi ojerureháicha ha tapicha'aty renondépe oñemoañetéva chupe jeroviauka tekotevëva iñepytyvõrã.

02. Mavave ndoguererekomo'äi condena upé mba'e ojejapova'ekue upérõ ndaha'éiramo tembiapovai, he'iháicha tetä térra tetäita Deréchope. Upéichante avei, ndojeitymo'äi hi'ári *pena* ipohiyivéva, ivesyivéramo jepe ojejapova'ekue upéramo.

AKYTĀ 12

Mavave ndaikatúi oñemoingereínte ambue rekovepýpe, hogapý téřá hóga rendápe, upéichante avei ndaikatúi mavave réra téřá rekopy oñemoherakuāvai. Opaite yvypóra iderécho léi oñangarekóvo hekove rehe ko'äichagua mba'e oikóramo hese.

AKYTĀ 13

- 01.** Opaite yvypóra iderécho ohóvo mamo ohosehápe ha oiporavóvo hóga renderá peteř tetă ryepýpe.
- 02.** Opaite yvypóra iderécho osěvo oimeraě tetăgui, taha'e jepe hetă teégui, ha upéichante avei ojevy jeývo hetăme.

AKYTĀ 14

- 01.** Ořamo ojehekojopýva, opaite yvypóra iderécho ohekávo hendară, ha oiko porăvo upépe, taha'e ha'éva tetăme.
- 02.** Ko derécho ndojeporukuaamo'āi *acción judicial* rovake, heñóiiva tembiapovai téřá ambue tembiapo ndojekupytyiva Tetănguéra Ñomoirū jehupytyră ha pyendapy rehe.

AKYTĀ 15

- 01.** Opaite yvypóra iderécho hetärekóvo.
- 02.** Mavavégui ndaikatúi ojepe'a oimehaichareínte hetäreko ha upéichante avei ojehapejokóvo chupe omoambuesáramo hetäreko.

AKYTĀ 16

- 01.** Kuimba 'e ha kuñanguéra, oğuahëvo ary omendakuaaha, iderécho omoñepyrüvo hogapyrã, ohapejoko'ý rehe ichupe hekopy, hetäreko térra ijeroviapy, ha moköivéva peteñchante omoañetéta ko'ã derecho ñemenda reheguáva, ñemenda ryepýpe térra ojopoítaramo hikuái.
- 02.** Ñemenda ikatu oiko umi omendátava oñemoïma guive peteñ ñe'ëme, ijeheguiete ha py'a renyhëme.
- 03.** Ogaygua hína tuichamba'e tekoatýpe ñuarã ha iderécho tekoaty ha *Estado oñangarekóvo* hese.

AKYTĀ 17

- 01.** Opaite yvypóra iderécho ijyvy teévo, taha'e ha'eño térra ñomoirüme.
- 02.** Mavavégui ndojeipe'amoäi mbaretépe ijyvy tee.

AKYTĀ 18

Opaite yvypóra iderécho ojepy'amogetávo, avei hekokuaa ha ijeroviapývo; ko derécho rupive avei ikatu omoambue itupäreko ha ijeroviapy, ha'eño ha tapicha'atýpe, mayma rovake térra ha'eñomby, taha'e ijehekombo'e, ijapopy, iñemomba'eguasu ha iñemoañeterã.

AKYTĀ 19

Opaite yvypóra iderécho oñe'ẽ ha oikuaaukávo hemimo'ã, ko derécho ryepýpe ojehechakuaa avei mavavetépe noñembyängekoiriva'eräha hemimo'ã rehe, upéichante avei ikatukuaa ohapereká, ohupyty marandu ha temimo'ã, ha omyasäivo imba'ekuaapy oparupiete ndahaéi hetäme añónte, taha'eha'éva tembiporu rupive.

AKYTĀ 20

01. Opaite yvypóra iderécho oñembyaty ha oñemoirüvo py'aguapýpe ambue hapicha ndive.

02. Mavavépe ndaikatúi ojejopy oike haigua oikese'ÿ rehe peteí atýpe.



AKYTĀ 21

- 01.** Opaite yvypóra iderécho ijávo tetã rekuáipe, taha'e ha'etevoi téřã ambue mburuvicha sásóme ojeiporavova'ekue rupive.
- 02.** Opaite yvypóra iderécho oikévo hetã rembiaporäitépe, oñemboyke'ý rehe mavavépe.
- 03.** Tetãguára rembipota rupive oñemopyenda mburuvicha rembiaporäite, kóva oñemoňuhëta jeporavo tee rupive ojejapova'erã tekotevë vove, taha'e jeporavo opavavépe ģuarã ha ijojáva, avei vótó ñemiháme téřã ambue tembiporu rupive omoaňetéva sâso mburuvicha jeporavorã.

AKYTĀ 22

Opaite yvypóra, tekoatyguávaramo, iderécho oñeňangarekóvo hekove rehe, ha ohupytyóo ñepytyvõ hetã ha ambue tetägui, ojehechakuaávo Estado mohendapyräme ha ivirureko, aveiopaichaguatekotevëmby mba'ererekopykuaa, tekoaty ha arandupy reheguáva, tuichaitereimba'eva yvypóra rekooňeterã ha upéicha hekotee akârapu'ärã.

AKYTĀ 23

- 01.** Opaite yvypóra iderécho omba'apóvo, oiporavóvo imba'aporā, hendaporāvo ha oñeñandu porāvo hembiapo rendápe ha upéichante avei oñepytyvōvo ichupe nomba'apói aja.
- 02.** Opaite yvypóra iderécho, omba'apo ha ojehepyme'ẽjojávo ichupe imba'apo repýre ambue yvypórape ojehepyme'ěháicha.
- 03.** Opaite mba'apohára iderécho ojehepyme'ẽ porā ha ojehepyme'ẽ jojávo ichupe imba'apo repy rehe, oipytyvō añetétava ichupe, ha hogayguakuérape hekoañete hağua yvyporaháicha ha tekotevēramo oñepytyvōvēta chupekuéra ambue ñepytvōmby rupive.
- 04.** Opaite yvypóra iderécho omoheñóivo mba'apohára'aty ha oñomoirūvo hapicha mba'apohára ndive oñieha'ã ha ojepytaso hağua imba'epota rehe.

AKYTĀ 24

Opaite yvypóra iderécho optyu'úvo, ohasaporāvo nomba'apói javé, upéichante avei omba'apóvo aravo tekotevēva ryepýpe ha ojehepyme'ẽvo ichupe optyu'aja.



AKYTĀ 25

01. Opaite yvypóra iderécho ohupytyvo opaite mba'e tekotevëva ha'e ha hogaygua ohupyty haigua tesäi ha tekoporäve, ha ko'yte hi'upyrâ, ha ñepohäno hasy jave ha opaichagua ñepytyvömbä tekotevëva; upéichante avei iderécho oñepytyvövo ichupe opyta vove tembiapo'yre, hasy, ombarapokuaa'ýva, tembireko téra ména ñemano, avei tapicha karai ha ikuñakaraietémava téra ambue mba'e ohapejokótava ichupe ha noimo'áiva'ekue oikotaha hese oikove haigua hekopete ambueicha.

02. Kuña imembyra'ýva ha mitä iderécho oñeñangareko añetévo hesekuéra. Opaite mitä, heñoiva omendáva téra omenda'ýva rögape peteichánte iderécho oñeñangarekóvo hekove rehe.

AKYTĀ 26

- 01.** Opaite yvypóra iderécho ojehekombo'évo. Tekombo'e rehe ndojehepyme'ëiva'erã mba'evete, ko'yte ha'éramo iñepyrumbýpe. Mitã omoñe'ë ha ohaikuaava'erã katuete. Tapicha ñembokatupyry ohuputyva'erã opavavépe, upéichante avei maymave iderécho oikévo mbo'ehaovusúpe, ojehechakuaávo ikatupyrykue.
- 02.** Tekombo'e oipytyvöta yvypórape oguerojera ha omopyenda hağuahekotee ha oñemombarete hağua yvypóra derécho ha rekosäso ñemoñañete; upéichánte avei tuicha oipytyvöta opaichagua atyguatérä ijeroziapy ambuéva, ha avei tetã ohechakuaa hağua ojupe, ojohechagui ha oñomoirüve hağua, avei omoñepyrüta Tetänguéra Ñomoirü rembiapoita oipytyvö añetéva py'aguapýpe ojeikove hağua.
- 03.** Sy ha tuvakuéra iderécho oiporavóvo mba'eichagua tekombo'épa oñeme'ëta iñemoñarekuérape.



AKYTĀ 27

- 01.** Opaite yvypóra iderécho omba'póvo sásóme hekoha arandupýpe, ohecharamóvo tembiapo jegua oikohápe ha ijávo tembikuua akārapu'āme ha ohupytývo mba'eporā osēva ichugui.
- 02.** Opaite yvypóra iderécho oñeñangarekóvo opaichagua tembiapo iňaptyu'ű rokykue imba'eteéva rehe, taha'e apopy tembikuua, ñe'eporāhaipyre téřa tembiapo jegua imba'eteéva.

AKYTĀ 28

Opaite yvypóra iderécho oñemopyendávo ichupe hekoha avei tetä ambuére ikatu hağuáicha umi yvypóra derécho ha tekosāso Kuaaukapypavěme oñemoherakuäva oñemoaňete hağua.



AKYTĀ 29

- 01.** Opaite yvypóra ombo'apova'erã katuete hekoaty ndive, upépe añónte ikatúgui omopyenda ha omoakārapu'ã hekotee.
- 02.** Opaite tapicha omoañetekuévo iderécho ha oiporukuévo hekosäso ojekova'erã léipe he'íva rehe añónte, ikatu hağuáicha upéicha oñemoañete avei ambue tapicha derécho ha rekosäso, ha upéichante avei ojapo hağua opaite mba'e tekoguataporã, tekoaty mbojojaha ha opaichagua jeikoporäverã ojehupytysséva ojeiko joja hağua ojoapytépe.
- 03.** Ko'ã yvypóra derécho ha tekosäso, mba'eveichavérõ ndaikatumo'ãi oñemoañete hendape'ý Tetänguéra Ñomoirü jehupytyrã ha tekoeta ñembotovépe.

AKYTĀ 30

Mavave taha'e *Estado*, peteĩ aty téřa yvypóra mba'eveichavérõ ndaikatumo'ãi omoambue mba'eve ko Kuaakapypavémegua ohapejoko hağua opaichagua derécho ha tekosäso ñemoañete porã oñemomarandúva ko Kuaakapypavême.



NDE DERECHO NDE
YVY HA NDE RÓGAVO,
OGUEREKOPÁVA UMI
REIKOTĒVEVA.

REÑEHEKOMBO'ÉVO
HEKOPETE HA OÑEÑA-
TENDÉVO NDEREHE
NERESÃI HAÑUA.

YVYPÓRA DERECHOREGUA KUAAUKAPYPAVĒ

